

「明」陶 華

傷寒明理續論

歷代中醫珍本集成

明理續論序

昔朱肱奉議著傷寒百問。書成經進。授醫博士。其書付監刊行。道遇豫章名醫朱道方。因就賞之。宋爲指駁數十條。肱固然自失。由是書監不刊。事見續易簡方雙鑑。李知先又爲歌括八韻二書。吾鄉先輩例以爲活人之書。按魏志佗傳云。出書一卷。此書可以活人。則活人之名所由始。而仲景傷寒論是也。朱李二公雖知有仲景之書。不能臻其闕奧。未足以充活人之名。正統改元。余遊京師。遇臨江劉志善先生。授書一卷。指攝百問亦數十條。攜以南歸。曼之松江趙景元先生。奉議之書。固未盡善。而劉公所以似爲大察。前人無議爲也。且仲景之書流傳既久。魚魯實多。微僻奧旨之互見。殘簡斷篇之後先。朱公既未知其文。又不知其證候。然自漢魏以來。高人逸士所著。不傳于今者。何可勝數。因出示諸君。曰郭白雲傷寒補亡。龐安常卒病論。韓祇和微旨。楊仁齋傷寒類書。王實證治。常器之楊大授。凡此數種。皆有功于仲景。而東南醫流所未見也。景元亦自編一書。曰傷寒類例。久未之成。不以示人。庚寅冬。予病是。不出戶庭數月。因觀成無己明理論。止五十證。辨究詳明。惜其未備。於是乃集所見所聞。比類附例。斟酌而損益之。遂成一書。名曰明理續論。結以自備遺亡。非敢傳諸人也。雖朱公百問積平生之勤。尚不免後人之紛紜言之。予嘗何人。乃以數月而有所成。蓋賴古人之成訓。有以啓發之。初學母之士。或有所得焉。當有知予心者。乃記其所由於卷首云。

目錄

傷寒三陰三陽脈證論
陰陽虛實用藥寒溫辨
六經用藥格法
陰陽虛盛用藥寒溫辨
三陰三陽脈證
汗下溫正法
傷風見寒傷寒見風脈
證
三陽合病
太陽陽明并病
春溫變熱
症

風溫濕溫	八	手足汗	一九
風濕中濕	九	盜汗	二〇
溫毒中喝	九	煩熱	二〇
發熱	一〇	煩躁	二一
頭痛	一二	懊憹	二二
項強	一二	身痛	二二
惡風	一三	四肢拘急	二三
惡寒	一四	咳嗽	二三
背惡寒	一五	喘	二四
寒熱	一五	太陽病無汗而喘麻黃湯	二四
潮熱	一六	氣逆	二五
似瘧	一六	短氣	二五
無汗	一七	咽干	二六
自汗	一八	渴	二六

陽毒	二七	論語(鄭聲附)	四〇	瘰癧	五一
胸脅滿痛	二八	小便不利(小便難附)	四二	戰栗	五二
結胸	二八	小便自利(小便數遺溺附)	四二	時行兩感	五二
痞	二九	舌上白胎(臟結附)	四三	不得眠	五三
腹滿	三〇	咽痛	四四	發斑	五四
腹痛	三一	頭眩	四五	動氣	五五
小腹滿	三一	鼻衄	四五	蛔厥狐惑	五五
嘔吐	三二	吐血	四六	百合病	五六
干嘔	三三	心悸	四七	霍亂	五七
咳逆嘔	三四	發黃	四八	瘵後昏沉	五七
下利	三六	發狂	四九	小便自利	五九
便膿血	三七	筋惕肉瞤	四九	痰證	五八
四逆	三八	多眠汗下(附霍亂)	五〇	傷食	五八
厥逆	三九	陰陽易陰陽交	五一	虛煩	五八
不大便	三九	拂郁	五一	脚氣	五九
				熱入血室	五九

傷寒明理續論

明 餘杭節庵陶 華述

傷寒三陰三陽脈證論

傷寒汗下溫之法，最不可輕。按脈以驗證，問證而對脈。太陽者，陽證之表也。陽明者，陽證之裏也。少陽者，三陽三陰之間。太陰、少陰、厥陰，又居於裏。總謂之陰證也。發于外則太陽爲之首，發于內則少陰爲之先。太陽惡寒而少陰亦惡寒，但太陽之脈多浮，少陰之脈沉細，與其他證狀亦自異也。發熱惡寒，身體疼痛，或自汗，或無汗，是爲表證，可汗。不惡寒，反惡熱，口燥咽乾，壯熱，腹滿，小便如常，而大便秘結，是爲裏證，可下。厥冷囊空，自利煩躁，而無身熱頭疼，是爲陰證，可溫。浮洪緊數，此表病之脈。沉實滑數，此裏病之脈。微細緩芤，此陰病之脈。在表者，邪傳於榮衛之間。在裏者，邪入于胃腑之內。胃腑之下，少陽居焉。若傳之陰，則爲邪氣入臟矣。榮與衛俱爲表也，亦均可汗也。然有汗者爲傷風，風傷衛氣，則以桂枝助陽而汗之，輕無汗者爲傷寒，寒傷榮氣，則以麻黃湯助陽而汗之。重，榮衛固爲表也，胃腑亦可以爲表也。然以腑臟而分表裏，則在腑爲之表，在臟爲之裏。胃取諸腑，可以表言。若合榮衛腑臟而分之，則表者榮衛之所行，裏者胃腑之所主，而臟則又深于裏者矣。審脈問證，辨明定經，真知其爲表邪則汗之，真知其爲裏邪則下之。真知其爲陰證則溫之，表有邪則爲陽虛，陰經受邪則爲臟病，而溫裏之藥，熱如此而汗，如彼而下，又如彼而溫，桂枝、承氣投之不差。姜附理中，發而必中。大抵治傷寒有法，投劑少差，死生立見。古人處方立

證曰可汗曰可下曰可溫曰和解曰少與曰急下。良夫先溫其裏，乃發其表，先解其表，乃攻其裏，謂知奇者。若網在綱，有條不紊，論至于此，則知古人之立論甚嚴，而汗下溫之法，亦不可輕也。信矣。經曰：傷寒六七日，目中不了了，無妄證，脈雖浮，亦有可下者。少陰病二三日，無裏證，亦有可汗者。陰證四逆法，常用溫而四逆散性寒，豈可用哉？曰：醫在九流之中，非圓機之士，不足爲醫也。脈雖浮而亦可下者，無裏證，謂六七日不大便，借使大便不難，其敢輕下之乎？少陰病亦有發汗者，少陰本無熱，反發熱而表猶未解，故用溫藥，微取其汗也。借使身不發熱，其敢輕汗之乎？四逆湯用姜附，四逆散用枳柴，一寒一熱，病主四逆，固不侔矣。然傳經之邪，與陰經受邪，初病厥者不同。四逆散用藥寒，主先陽後陰也。四逆湯用藥熱，主陽不足而陰有餘也。若張氏之論，日數多，則曰日數雖多，但有裏證而脈浮者，猶可發汗。日數雖少，若有裏證而脈沉實者，即須下之。此日數之不可拘也。至如陽極發厥，陰極發躁，陰證似陽，陽證似陰，差之毫釐，繆以千里，可不深思而熟慮也哉。

陰陽虛實用藥寒溫辯

傷寒一書，所謂陰陽虛盛，則精微之義，不無辯析於其間。四十八難曰：病之虛實，出者爲虛，入者爲實。蓋表之真陽既虛，故陰邪以盛出而乘陽，是以脈浮于外，其病在表，法當汗之。當其陰邪出表，脈浮于外之時，不可自感，以爲陽脈盛也。裏之真陰既虛，故陽邪以盛入而乘陰，是以脈入于內，其病在裏，法當下之。當其陽邪入裏，脈實于內之時，不可自感，以爲陰脈盛也。是說非古人之立言也，蓋使人知如此之爲陰

盛則抑陰而助陽。如彼之爲陽盛。則抑陽而助陰。陰盛則邪出於外者。發表之藥。常性溫以助陽氣。如桂枝湯之類是也。陽盛則邪入于內者。攻裏之藥。常性寒以抑陽氣。如承氣湯之類是也。或曰。陰出而乘于外。是陽之不足也。陽病則常有以發表而汗之。何哉。是大不然。陰邪傳于外。不汗之則邪何由而去。桂枝之性溫。溫之乃所以助陽。陽有所助而長。則陰邪之所由以消。辛甘發表爲陽者此也。張氏所謂承氣入胃。陰盛乃亡者。正恐陰盛出外而誤以承氣下之。安得而不亡。或者有陽入而承于內。是陰之不足也。陰病則常有以溫養而下之。何哉。是又不然。陽邪入于內。不下之則邪從何而出。承氣之性寒。寒之乃所以抑陽。陽受其抑則微。而真陰之所由以長。酸苦湧泄爲陰者此也。張氏所謂桂枝下咽。陽盛則斃。正恐陽盛入內而誤以桂枝汗之。又安得而不死。觀古人發表之藥多溫。攻裏之藥多寒。則知陰陽虛實之意微。非止於汗下設矣。所以爲用藥寒溫設也。

六經用藥格法

太陽屬膀胱寒水。非發汗不能愈。亦有桂枝麻黃以助陽祛邪。此膀胱寒水之經。有標本之作。風寒初客。仍在表。宜用辛溫之劑以發散之。若無頭痛惡寒。或非冬時。皆不可用。陽明屬胃。非通泄不能痊。必用大黃芒硝以導利陽熱。此胃表證已罷。頭痛惡寒已除。則熱歸陽明之本矣。宜承氣湯寒劑以泄熱。若惡寒未除。則爲表寒。邪尚在。不可下也。冬時亦宜用。不可拘忌。少陽屬膽。無出入之道。柴胡半夏能利能汗。消解血熱。黃芩佐之。

太陰脾土。惟惡寒濕。非乾姜、白朮不能燥濕也。

少陰腎水。惟惡寒燥。非附子不能溫潤。

厥陰肝木。藏血榮筋。非芍藥、甘草不能滋養。此用藥經常之道也。

陰陽虛盛用藥寒溫辯

夫傷寒發表攻裏之藥。寒熱殊途。用之一差。死生反掌。所以越人、仲景。深致意於其間也。難經云。傷寒陽虛陰盛。汗之則愈。下之則死。陽盛陰虛。汗之則死。下之則愈。且寒邪之傷人也。有淺深焉。淺者汗之。深者下之。此古今不易之定法也。方其風寒初客皮毛之間。陰氣乃盛。閉塞腠理。身中陽氣已虛。不能禦衛。遂有惡風惡寒之證。見焉。當此之時。止宜桂枝湯辛甘溫之藥。助陽抑陰而發之。陰邪既散。表氣沖和而愈。經云。辛甘發散爲陽者是也。不知用此而反以承氣湯苦寒之藥下之。表裏俱傷。不亡何待。表邪既罷。寒作爲熱。陽陷入深而盛於裏。則津液消耗。腸胃燥澀。而臟腑之真陰虛矣。陰氣既虛。卽譫妄狂躁煩渴。惡熱之病而作也。當此之時。宜用承氣湯苦寒之劑。扶陰抑陽而泄去熱氣。陽邪卽退。胃中真陰來復。裏氣和平而愈。內經所謂酸苦湧泄爲陰者是也。不知用此。乃以桂枝辛熱之藥助邪伐正。安有不斃者乎。所以仲景云。桂枝下咽。陽盛則斃。承氣入胃。陰盛乃亡。良以此夫。嗚呼。此論誠爲傷寒汗下之樞機乎。俗醫不能達此爲妙。昧于陰陽虛盛之道。悖逆此理而不教人也。幾希。經云。發表不達熱。攻裏不達寒。豈虛語哉。

三陰三陽脈證

經云。尺寸俱浮大者。陽受病也。當一二日發。以其脈上連風府。故頭項痛。腰脊強。傷寒則發熱惡寒。傷風則鼻塞惡風。然傷風有汗。傷寒無汗。

尺寸俱長者。陽明受病也。當二三日發。以其脈夾鼻絡于目。故身熱目疼。鼻乾不得臥。又曰。不惡寒而作渴。皆爲在經。不惡寒。反惡熱。自汗出。大便難。

尺寸俱弦者。少陽受病也。當三四日發。以其脈循脅絡於耳。故胸脅痛。而耳聾。口苦。咽乾。目眩。往來寒熱而嘔。此三經受病未入于腑者。可汗而已。

尺寸俱沉細者。太陰受病也。當四五日發。以其脈布胃中絡于嗌。故腹滿而咽乾。或腹痛。手足溫。自利不渴。

尺寸俱沉者。少陰受病也。當五六日發。以其脈貫腎絡于肺繫舌本。故口燥舌乾而渴。惡寒。口中和。默默欲寐。時時腹痛。又咽痛三證。

尺寸俱微緩者。厥陰受病也。當六七日發。以其脈循陰器絡于肝。故煩滿而囊縮。唇青。舌捲。筋急。或渴不欲食。卽吐衄。此三經皆受病也。已入於腑者。可下而已。此皆自陽經傳來者。故宜下而去之。非若陰經自中之寒。此則爲真陰證矣。常用四逆湯輩溫之。

汪下溫正法

太陽傷風自汗惡風桂枝湯傷寒無汗惡寒麻黃湯陽明不惡寒反惡熱自汗者大便難大柴胡湯小承氣湯汗不止者胃汁乾急下之大承氣湯無汗惡寒升麻葛根湯有汗脈遲微惡寒爲表未解桂枝湯無汗脈浮而喘麻黃湯

少陽證病屬小柴胡湯

太陰自利不渴爲臟寒理中湯四逆湯胸中脹滿枳實理中丸腹滿脈浮桂枝湯腹滿時痛桂枝加芍藥湯痛甚桂枝加大黃湯

少陰脈沉口不乾舌不燥胃惡寒小便清白四逆湯始得病脈脈沉反發熱麻黃附子細辛湯口燥咽乾而渴急下之大承氣湯六經中惟此一經難治大要以口燥而渴知其熱脈沉而遲別其寒

厥陰脈微浮爲欲愈不浮爲未愈小建中湯脈浮緩如瘧狀桂枝麻黃各半湯脈沉短者益必縮爲毒氣入臟承氣湯下之利不止者四逆湯

傷風見寒傷寒見風脈證

熱盛而煩手足自溫脈浮而緊此傷風見寒脈也不煩少熱四肢微厥脈浮而緩此傷寒見風脈也

二者爲榮衛俱病法用大青龍湯然不可輕用須風寒俱盛又加煩躁方可與之

一法以桂枝麻黃湯尤穩今改羌活湯

三陽合病

本太陽病。若汗若下。若利小便。無津液。胃中燥。轉屬陽明。是爲脾約。若惡寒。用升麻葛根。不惡寒反惡熱。大便難。白虎湯。證語者。調胃承氣湯下之。喘而胸滿者。不可下。麻黃湯。太陽少陽。頭項強急。脅下硬滿。目眩。往來寒熱。小柴胡湯。

少陽陽明。本少陽病。因爲發汗利小便後。胃中燥。大便難。屬調胃承氣湯。

正陽陽明。乃本經風盛氣實也。大柴胡湯。大小承氣湯。選用之。

三陽合病。腹滿。身重。譫語。遺尿。口中不仁。屬白虎湯。口乾。舌燥。不仁。背惡寒。同太陽陽明。少陽陽明。正陽陽明。無表證者。俱可下。惟惡寒者。爲太陽陽明合病。未過經。爲屬表。可發汗。桂枝麻黃各半湯。蓋在經則汗。過經則下也。

太陽陽明併病

本太陽病發汗則汗出不徹。因轉出陽明。續自微汗出。不惡寒。是併歸陽明也。
太陽證尚在。桂枝麻黃各半湯。太陽證也。大小承氣湯。陽明證也。

春溫變熱

溫熱病者。冬時感寒。偶不即發。寒毒藏於肌膚。至春變爲溫病。夏變爲暑病。暑病者。熱又甚於溫也。溫病發於春三月。夏至前是也。發熱。咳嗽。頭疼。身痛。口燥渴。脈浮弦。熱甚者。小柴胡湯。熱微者。升麻葛根湯。解肌湯。微熱不渴。小柴胡加桂枝。渴者加五味。渴者去半夏加栝實。人參。脈實煩渴者。大柴胡湯微利之。以

其脈實，必大便難也。虛煩者，竹葉石膏湯。然用羌活湯解之爲常。湯加知母、石膏。夏月熱病發熱、頭疼、身體痛重，不惡寒而惡熱，其脈洪，不可溫，宜羌活湯。湯加知母、石膏。三月至夏，謂之晚發。梔子升麻湯。有少陽證者，小柴胡湯。更于前方內選用。若春夏有惡風惡寒，類傷寒證者，蓋當時暑中風寒之氣，新病卽非冬時受寒，通用羌活湯治之。

瘧

瘧者，先太陽中風，重感寒濕所致。經曰：身熱、足寒、頸項強急、惡寒、時時頭熱、面赤、目赤、獨頭面搖、卒口噤、背反張者，瘧病也。桂枝加栝實湯主之。傷風頭痛，常自汗出而喘者，若汗之必發瘧。大發濕家汗亦作瘧。新產血虛，汗出傷風，亦作瘧。若其脈沉弦而遲，或帶緊，或散于指外，皆惡候也。發熱無汗惡寒爲剛瘧。葛根湯。或麻黃葛根湯。發熱有汗不惡寒爲柔瘧。桂枝加葛根湯。桂枝栝實葛根湯。二瘧通用小續命湯。剛瘧爲陽，去附子。柔瘧爲陰，去麻黃。剛瘧胸滿、口噤、咬牙、腳舉、臥不着席。大承氣湯下之。柔瘧桂心白朮湯。附子防風湯。白朮散。桂枝黃散。選用。

風溫濕溫

風溫尺寸俱浮，素傷於風，因而傷熱，風與熱搏，卽爲風溫。其外證：四肢不收、身熱、自汗、頭疼、喘息、發渴、昏睡、或體重不仁。慎勿發汗，汗之則譫語煩躁，目無精彩。病在少陰、厥陰、二經，葳蕤湯。人參敗毒散。葛根龍膽湯。小柴胡湯。選用。未醒者，柴胡桂枝湯。

發汗已，身灼熱，知母葛根湯。渴甚，栝實根湯。脈浮，身重，汗出，誤防已湯。誤汗風濕，防已黃耆湯。
濕溫寸濡而弱，尺小而急，素傷於濕，因中暑濕與熱搏，即爲濕溫。其狀胸腹滿，目痛，壯熱，妄言，自汗，兩
脛逆冷，發急，惡寒，若發其汗，使人不能言，耳聾，不知痛處，其身青而色變，醫殺之耳。
濕溫太陽經，用白虎蒼朮湯加桂枝。濕勝則一身盡痛，發熱，身黃，小便不利，大便反快，五苓散加茵陳，臍
腑虛自利，桂理中湯，朮附湯。

風濕中濕

風濕脈浮，先傷濕而後傷風也。其證肢體腫痛，不能轉側，額上微汗，惡寒不欲去衣，大便難，小便利，熱至
日哺而劇，治法但微解肌。若正發汗，則風去濕在，非徒無益而又害之。解肌用麻黃杏仁薏苡甘草湯。
白朮防己黃耆湯。不嘔，不渴，脈浮虛者，桂枝附子湯。濕多身痛，小便利，甘草附子湯。煩渴，小便不利，五
苓散。外不熱，內不渴，小便自利，朮附湯。緩弱，昏迷，腹滿，身重，自汗，失音，下利不禁，白通湯加白朮，去甘草。
身腫痛，微喘，惡風，杏仁湯。人參敗毒散。通用熱而煩渴者，加栝實。若誤下之，小便必不利，可五苓散。中濕
小便不利，大便自利，甘草附子湯。五苓散。大小便皆利，則與朮附湯。身體痛或鼻塞，小建中湯加黃耆。

溫毒中喝

溫毒者，冬月感寒毒異氣，至春始發也。表證未能，毒氣不散，故有發斑之證。心下煩悶，嘔逆咳嗽，後必下
利，寸脈洪數，尺脈實大，爲病則重，以陽氣盛故耳。治法通用玄參升麻湯。黑膏主之。詳見發斑條中。

中暑脈虛而伏，身熱，背惡寒，而垢，自汗，煩躁，大渴，毛錢惡寒，皆昏倦，而身不痛，與傷寒諸證不同矣。內外俱熱，口躁煩渴，四肢微冷，而身不痛，用白虎湯。痰逆惡寒，橘皮湯。熱悶不惡寒，竹葉石膏湯。煩躁，惡心煩躁，心下不快，小便不利，五苓散。下消暑丸。中暑用小柴胡湯最良。脈洪遲，腠理開，漉然毛聳，口齒燥，白虎加入參湯。霍亂，煩躁，大渴，腹痛，四肢冷，腳轉筋，以黃連香薷湯。

發熱

夫翕翕然而熱者，表熱也。有蒸蒸而熱者，裏熱也。其屬表者，風寒客於皮膚，邪氣怫鬱于外，表熱而裏不熱也。其屬裏者，陽氣下陷，入於陰中，裏熱甚而達表也。其在半表半裏者，以表熱未罷，邪氣傳裏，裏未作實，則表裏俱熱，而但輕于純在裏也。太陽厥陰，皆不發熱，惟少陰反有發熱之證，或其脈沉，或下利，手足冷，爲異耳。雖然，傷寒發熱，病之常也。脈陰陽俱虛，熱不止者，汗後復發熱，脈躁疾下利者，皆不易治，其可例視之乎。

太陽病發熱，頭疼，惡寒有汗，桂枝湯。惡寒無汗，麻黃湯。

傷寒六七日，目中不了了，無表裏證，大便難，身微熱，此爲實，急下之。大承氣湯。脈浮數者，大柴胡湯。

陽明病發熱，汗出，脈浮數實者，調胃承氣湯。脈浮桂枝湯。汗多者，白朮乾，急下大承氣湯。

中風發熱，六七日不解而煩，有表裏證，渴欲飲水，水入即吐，名曰水逆。五苓散。脈浮而大，其人發熱，煩渴，小便赤，表裏俱見，五苓散。

少陽發熱。脈弦細而嘔。小柴胡湯。

少陰反發熱。有二病。脈沉者。麻黃附子細辛湯。下利厥逆。裏寒外熱。脈不出者。通脈四逆湯。

脈浮熱甚。反灸之。因火而動。必咽燥吐血。四逆湯。脈浮大遲。表熱裏寒。下利清穀。四逆湯。發熱口乾。鼻燥。能食者。黃芩湯。

脈浮發熱。無汗而渴。表未解也。小柴胡湯。加人參。括萎湯。壯熱頭痛。心中煩者。梔子黃芩湯。汗下後有熱。大汗則損氣。氣損則陽微。故脈虛而惡寒。大下則傷血。血傷則陰弱。故脈瀉而發熱。誤汗誤下。皆有此耳。且陰以陽爲主。陽以陰爲根。下之亡陰矣。陰無所主。邪氣搏之。血虛乃發熱也。

太陽病發汗。遂發熱惡寒。小柴胡湯。蒸蒸而熱者。屬胃。調胃承氣湯。

下後陰弱而發熱。是爲內熱。葶藶苦酒湯。若脈浮則汗之。麻黃湯。脈實則下之。大柴胡湯。大下後。身熱不去。心中結痛者。未欲解。梔子豉湯。發汗又復下之。惡寒發熱無休止時。小建中湯。

傷寒以圓藥下之。身熱不去。微煩者。梔子乾姜湯。

下後。身熱不去。心中結痛者。梔子豉湯。瘧後勞復發熱。小柴胡湯。脈浮者。當汗解。柴胡桂枝湯。脈沉者。當下解。調胃承氣湯。

下利腹反痞滿者。生姜瀉心湯。小便不利。麥門冬湯。食復發熱。梔子豉湯。加大黃。痢後虛羸。微熱不去者。竹葉石膏湯。

頭痛

大凡頭痛屬三陽，乃邪氣上攻也。太陽專主頭痛，陽明、少陽亦有之。三陰絡上不過頭，惟厥陰循喉嚨之後，上連目系頂顙，故有頭痛、乾嘔、吐涎沫之證，却無身熱，亦與陽證不同。雖然，風濕在少陰，濕溫在太陰，其經從足走至胸中而還，及頭痛過於陰證，是又不可拘也。若兩感于寒，太陽、少陰俱病，則頭痛、口乾、煩滿而渴，與夫頭痛極甚，又連于胸，手足寒者，則爲其頭痛不可治矣。

太陽病，頭痛發熱惡寒，無汗，麻黃湯。有汗桂枝湯。已發汗未發汗，頭痛如破者，葛根葱白湯。

陽明頭痛，不惡寒，反惡熱，六七日不大便，胃實氣攻於上也，少與調胃承氣湯。

少陽頭痛，脈弦發熱，小柴胡湯。

濕家頭痛，鼻塞，瓜蒂末納鼻中，黃水出立愈。

痰涎頭痛，胸滿，寒熱，脈緊，瓜蒂散吐之。

厥陰頭痛，乾嘔，吐涎沫，吳茱萸湯。

頭痛，壯熱，心煩，梔子黃芩湯。

天行勞復，頭痛，四肢痛，葱頭湯。

項強

項背強者，太陽表邪也。發散則解。結胸項強，有下之證。寒濕項強，則成瘰。見本條。臨病宜審。太陽病項強，無汗惡風，爲表實。葛根湯。項背強，發熱汗者，惡風爲表虛。桂枝加葛根。誤下，太陰結胸項強，大陷胸丸。一法，頻與理中丸。若損甚者，兼與四逆湯。項強，脅下滿，身熱惡風，手足溫而渴，小柴胡湯。陰毒初得病，項背強，咽痛，心腹痛，短氣，厥逆，吐利，身如被杖。附子湯。陰毒甘草湯。正陽湯。天行復作熱，至晚則腰痛，項項強，身重。葛根生姜散湯。

惡風

惡風者，見風則怯。密室之中無所惡也。風傷衛氣，衛虛則腠理不密，由是而惡矣。悉屬於陽，非比惡寒有陰陽之別。若無汗而惡寒者，爲傷寒。當發其汗。汗出而惡風者，則爲中風。當解其肌，不可更發汗。若裏證甚而惡風未能者，尤當先解其表。三陽風濕皆有此證，不可不辯。

太陽中風，陽浮陰弱，惡風自汗，發熱鼻乾，欬，桂枝湯。

頭痛發熱，身疼，腰痛，骨節疼，惡風無汗而喘，麻黃湯。發汗太過，衛虛亡陽，遂漏不止而惡風者，法常用溫桂枝附子湯。

小便難，四肢微急，難以屈伸，治與上同。

若吐若下後，七八日不解，表裏俱熱，時惡風，大渴，舌乾燥而煩，白虎加入參湯。汗不止，必惡風，煩躁不得臥，先防風白朮牡蠣湯。次小建中湯。風濕惡風，不欲去衣，骨節煩疼，不得屈伸。